


72.10



2f 4367



Von dem
Hochwirdigen
 Sacrament des leibs vnd
 blüts vnnsers Herrn Jesu
 Christi/Wider die irrigen
 geyster/so vnns das na/
 chtmal des Herrns
 zünichtigen.

Durch Andream Althamer.

1892/93 S. 161

UNIVERS. BIBLE
 UNIVERS.
 KALLE

H. 10.



Dem Achtbarn vñnd weysen
Jörgen Vogler / des Durchleuchtigen hochgeborn
Fürsten vñ Herren Herr Casimiri Margrafen zu Brandenburg
zc. Secretarij zu Qnoltzbach / meinem gunstigen herrn vñnd
Patron.

Grad fryd vñ barmhertzigkeyt in Christo vnserem her
ren. Es bekent der heylig Euāgelist Johānes / Chris
stlicher günstiger lieber herr / das vil widerchristen
schon zu seiner zeyt auß inen sich erhebt haben / die
seyen von in abgefallen / aber doch sie seyen nit von in / denn wes
ren sie von inen gewesen / so weren sie bey in geblyben. 1. Joh. 2.
Des gleychen spricht sanctus Paulus zum Priesterin der Ephesi
ern. Auß euch selbs werden menner auffstehen / die da verkerte
ler reden / die junger nach sich selbs zuzihen. Acto. 20. Also wych
en vil junger von Christo dem Herrn. Joh. 6. Also verließ Des
mas Paulum. 2. Timoth. 4. Vñ hymeneus vñ Philetus feylten
auch der warheyt. 2. Timo. 2. Der Alexander for auch vom glau
ben. 1. Timo. 1. Wie auch der Saul. 1. Regū. 15. Vñ Judas war
zu erst eyn Apostel / dar nach ein verreter des Herrn. Des gleyche
en izund leyder auch geschicht. Dann vil die mit vns haben das
Euangelion der herligkeyt des seligen Gots geprediget / vñnd
eynen Christum / eyn Tauff / eyn Herrn / eyn glauben / eyn Gott
vñ vater vnser aller / sind nun von vns gefallen / vñ leren eyn bes
sundere weys des Tauffs / der tödtung des alten Adams / des sac
raments des liebs vñ bluts Christi zc. Woll an wie sollen wir
im thun / wir müssen es geschehen lassen. Es ist vnmüglich das
nit ergernisse kōmen. Luce. 17. Es müssen spaltung sein. 1. Cor.
11. auff das die bewerten offenbar werde. Der Teuffel wollt vns
gern das wort widerumb zückē / vñ auß der hand reysen / dar
umb straubet er so vil vnkraut vnter vns. Aber Gott weys die
seinen wol / er kan sie vor irthumb behaltē mitten vnter dem vns
schlachten vñ verkereten geschlecht / vñ der Sathan wirdts
im nit auß seiner hand nemen. Nichts desten weniger solle wir
predigen / schreiben / vñ allen fleyß furwenden / vñ dem Teuffel

weren/ da mit wir vnser pfund nit in die erden graben/ sonder
mit wücheren vñ vnserē brüdern dienen/ das ist der beuelch des
Herns. Die gaben des geyst sind vns geben zum gemeinen nutz
1. Cor. 12. das wir vnseren nechsten dar mit dienen. Darumb so
wil ich mein liecht/ das got in mir hat angezündt/ andern auch
lassen scheynen/ vñ das entpfangen pfund lassen wücheren/ in
dem namen des Herns. Got geb das gedeyen/ Vñ ich will hiers
in nit meyn eygne meynung schreyben/ sonder das vnwiders-
prechlich wort Christi/ welches bestehen wirt vor allen pforten
der Helle in ewigkēyt. Schick E. W. diß meyn Büchlein zu/ vn-
ter Ewer vñ aller Chriſten vitheyl/ so bey dem reynen wort Got-
tes bleyben/ vñ nicht nach jr vernunfft argumentieren. Den all
vnser wider sacher brauchendt die geschriff nun nach irem ver-
stand/ menschlicher weyßheyt nach/ alls ferhe es die vernunfft
fassen mag. Also laßt vns Gott sincken wenn wir das vnser süs-
chen/ vñ nit Gottes ehre/ wenn wir on Gottes forcht die ges-
chriff wollen hädeln. Ire argument scheynen wol vor der welt
für güte/ aber der geystlich mensch richtets alles. 1. Cor. 2. sie wer-
den nit bestehen vor dem gericht Gottes. Das fleysch ist keyn
nütz/ ire probationes/ argumenta vñ geschweiz ist fleysch vñnd
büchstab. Der geyst macht lebendig. Es muß nit fleyschlich ver-
standen werden/ es gehören andere gewaltigere argument dar-
zu wollen sie vnns vberreden/ das wir das brot des nachtmalls
des Herns nur für eyn schlecht brot hallten/ vñ den kelch nur für
eyn sauren weyn. Es gilt nit vberreden. Die vernunfft glaubt
woll gern. Aber das wort Christi wil dise subtile auflegung nit
dulden. Sit. E. S. W. wollt diß meyn Büchlein lesen vñ dar-
nach vitheylen/ ob ich den sinn des Herns getroffen hab oder
nit. Beuilch mich hiemit E. S. W. in aller vnterthenigkēyt als
meynem gunstigen Herrn vñ Patron. Gottes fryd sey mit vns.
Gebē zu Nürenberg am drittē tag des Weinmonats jm. 1526.

E. S. W. williger
Andreas Althamer.

a ij

Nichts jamert mich mehr/ dann das das hochwürdig
Edel ewig wort Gottes wirt vō menschen kyndern
gemeystert. Die jm alleyn glauben solten/ vñ die ehre
geben/ das es die ewig Göttlich warheyt sey. Vñnd
müß sich die weyßheyt von iren kyndern lassen rechtfertigen.
Sie sollten sich richten lassen von Gott/ so wollen sie Gottes
werck richten. Der son wil den vater leren/ vñ die hünlein die
hennen/ der wagen wil die roß ziehen/ alles keret sich vmb. Die
menschlich natur will auß eygner vernunfft die Göttlichen ges
heimnuß ermessen vñ außgrundē/ die vnerforschlich sind. Rom.
ii. Das selb jamert mich/ darumb dem heyligen wort Gottes
vñ nachtmal Christi zu ehre/ vñ der Christliche gemeyn zu dienst
wil ich das heylsam nachtmal des herns vor den verkerern erret
ten/ vñ bey seiner herlichkeyt behalten mit Gottes gnad vñnd
hilff/ es hellff wo es woll/ will mit niemant darob zancfen. Ich
Beger das reyn wort Christi zu retten/ mit meyn rhüm zu suchen.
Zancf yederman alls fast er wol/ vñ zerreyß sich selbs vñ marter
sich nun fast ob dem wort Gottes. Ich gib die ehre dem vnuber
windtliche wort Christi/ vñnd glaub vñ bekenn das es die ewig
weyßheyt Gott des vaters sey/ vñ die recht Göttlich warheyt.
Welches nit auß eygner vernunfft vñ freyem willen mag erler
net werden/ alleyn Gott lernet vns. Darumb die argument
des fleysch vñ der vernunfft nichts dögen zu Götlicher geheym
nuß. Es ist dem fleysch alles eyn torheyt/ was der vernunfft wis
der oder zu hoch ist/ verlachets vñ verspots nun/ vermag dero
ding nichts begreyffen die gottes sind/ wie gar eyn treffenlichs
Exempel wir von Nicodemo. Joh. 3. haben. Die finsternuß bes
greyyen das ware liecht nit. Joh. 1. Darumb heyst Paulus das
Euangelion eyn torichee predig. 1. Corin. 1. das es alles der ver
nunfft nur eyn torheyt ist/ kans nit begreyffen vñ verstehē. Wie
es auch eyn verborgē geheymnuß wirt genēnet. Rom. 16. Ephe.
3. Colos. 1. Denn wo es die fursten diser welt erkant hetten/ so
hetten sie den Herrn der herlichkeyt nit creuziget. 1. Cor. 2. Also
itz auch vnser sacramentstürmer wollen die sach mit eygner ver
nunfft außrichtē/ vñ das wort Christi meystern/ darumb werdē

sie eytel werden. Sie hören das Gottes wort ist eyn geheymnuß
der wellt verborgen/wil glaubt werden/vñ mit gericht oder ges
maystert. Wer dem wort Gottes glaubt der wirt selig werden.
Joh. 5. wer aber nit glaubt/der ist verdampft. Was darffs vil dis
putierens vnd zancfens/man muß den worten Christi glauben
vñ sie bleyben lassen wie sie lauten/vñ keyn tropum in den worten
des nachtmals suchen da keyner ist. Gottes wort wil vnges
meystert sein von menschen kyndern. Christus deutet sein wort
selbs/die geschufft legt sich selbs auß/will nit vnter menschen
vnteyl ligen. Weil nun die irrige meyster die schufft also jamer
lich hin vñ her zichē/vñ sich ob dem wort des nachtmals so mit
grossen freuel zerreyssen/wil ich in dem namen des HERNIS auch
her fur/vñ nit meyn/sonder des heyligen geyst meynung anzey
gen. Den ich hab keyn Besondere offenbarung/deren sich etlich
vnter jnen rhūmen/sonder ich glaub der geschufft/ auß welcher
ich die warheyt wil offenbaren. Ich bedarff keyns zeychens von
Hymel herab. Christus menscheyt/ leyden/tod vñ aufferstehung
ist mir zeichens gnug/darauff wag ichs in dem namē des herns.
Vñ wil sie angreifen mit keinen leiblichen waffen/sonder mit
dem schwert des geysts/welchs ist das wort Gottes. Ephe. 6.
Die Papisten haben nur mit sewr/brennen/töden vñ leibliche
waffen Ketzerey wollen austylgen/nun tödt tödt. Aber vnser
waffen spricht Paulus sind nit fleyschlich/sonder mechtig fur
Gott zu verstören die Beuestügen/da mit wir verstören die ans
schleg vñ alle höhe/die sich erhebt wider die erkantnuß gottes/
vñ nemen gefangen alle vernunfft/vnter den gehorsam Christi
vñ sind bereyt zu rechen allen vngehorsam. 2. Cor. 10. Mit disen
waffen heyst vns Christus streyten/nit mit Morden/hencken/
kopffen/wie ihene haben gethon. Unser vernunfft muß gefang
gen werden vnter den gehorsam Christi/glaubē gehört hie her/
nit eygen klügheyt/frey wil vñ fleyschlicher syn. Weyl nun Chri
stus spricht. Das ist meyn blüt das fur euch vergossen wirt/soll
ichs glauben/vō Christus worts wegen/vñ nit eyn sauren wein
dar auß machen/wie sie thun. Vernunfft richt nichts auß mit
jren argumenten/darumb muß es der glaub thun. Ist ye eyn

spotlich ding vnd eyn rechte gotslesterung vnd seins heyligen
worts / das sie das reyn lauter wort Christi nit lassen in seinē rech
ten sijn vñ verstandt bleyben / vñ wollen die rechte natürliche
Bedeutung vñ signification der wörter zyehe vñ verendern in
eyn andere frembde deitung / gleych alls het Christus im nachts
mal gar mit verblömbten worten geredt / vñ hette seine wort an
ders gemeynet / dan wie ers geredt hat / sie süchen eyn knopff an
eyner weyden oder bynzen da keyner an ist / machen eyn schwere
da keyne sein mag / süchen eyn Tropum da keyner stan kan. Ich
lass es bey der natürliche sprach bleyben / vñ bekenne mit Christo
Jesu vnserem heyland / das in dem brodt das er brach vñ in dar
reycht sey der warhafftig leib Christi gewesen / vñ in dem Kelch
das ware blüt Christi fur vns vergossen. Wie es aber da sey / las
se ich in verantworten / ich glaub vñ vertrawe seinem wort. Ich
weyß das Gott der hymelisch vater hat durch Mosen gesproch
en. Ich wird euch eyn propheten erwecken auß ewern büdern /
vñ in meyn wort in mund legen / vñ er wirt alles was ich in ge
beit zu euch reden / den sollt jr hören gleych wie mich. Deute. 18.
Weyl nun Gott beuolhen hat das ich disem propheten (welcher
ist Christus Jesus) glauben soll vnd sein wort hören. Warum
wolt ich nit glauben vñ bekenne das in disem Sacrament sey
der war leib Christi fur vns creuziget / vñ das blüt fur vns ver
gossen? Wir wyssen das Gott von hymel herab hat geschayen
vñ gesagt. Dis ist meyn geliebter son / an welchem ich eyn wole
gefallen hab / gehorchet im. Math. 17. So er dan so ernstlich hat
beuolhen wir sollen im gehorchen / vñ sein wort annemen / so ist
keyn zweyffel bey mir das er vnrecht red vñ lere. Den er ist die
warheyt selbs. Johā. 14. Vnd von seins heyligen worts wegen
glaub ich das sein vn sichtbarer leib in brot / sein vn sichtbar blüt
in kelch sey. Den er sprach. Nemet esset / Das ist meyn leib der
fur euch brochen wirt. Vnd zum Kelch / Das ist meyn blüt / des
Newen Testaments / das fur vil vergossen wirt. Mat. 26. Mar
ci. 14. Luce. 22. 1. Cor. 11. Ich glaub vñ weyß das er almechtig ist
vñ tregt alle ding mit dem wort seiner krafft. Hebre. 1. hat durch
sein wort alle ding erschaffen / das in hymel vñ auff erden ist /

das sichtbar vñ das vn sichtbar ist. Colof. 1. Psalm. 32. Vñ ist alles durch das wort vñ in dem wort geschaffen / vñ on das selbig wort Gottes ist nichts gemacht was gemacht ist. Johā. 1. Also wie Gott alle ding regiert / helt / vñ tregt mit seinem wort / vñ durch das wort alles was do ist hat erschaffen / ebē also ist durch des wort Jesu Christi in Sacrament der leib vñ das blüt vn sichtbarlich. Laß dein vernunft rüen / thu deine augen zu / sich nit auff das brot vñ Kelch / sonder auff das wort Gottes das du dar zu hast. Das ist meyn leib / der fur euch geben wirt. Das ist meyn blüt das fur euch vergossen wird. Glaubestu das Christus Gott vñ die warheyt sey / so glaubstu auch das er war hab vñ nit liege. Das in disem brot vñ weyn der leib vñ das blüt sey.

¶ Das sich aber vnser widersacher mit disem spruch. Johā. 6. Das fleysch ist keyn nutz / wollen behellffen / ist spotlich / den sie den syn des HERNIS mit gar ergryffen haben. Das ganz sechst Capitel Johannis ist vom glauben vñ nit vom Sacrament / das wyssen wir nun wol / Gott hab lob. Wir bekennen auch das des fleyschlich essen nit nutz sey wie es die Juden vñ jünger da selbs verstunden / meynten weyl er von seines fleysch essen sagt / sie müsten also leiblich von im essen / vñ in mit den zenen zerbeyssen / vñ sein blüt von im trincken / vñ ergerten sich ab seiner red / dan die vernunft muß sich ab solchen Worten entsetzē. Darumb sprach Christus. Ergert euch das? Wie? Wen jr den sehen wert des mensche son auffarē da hin da er vor war? Der geyst ist der do lebendig macht / das fleysch ist keyn nutz. Als sprecht er. Wen ich schon hinauff far / so müst jr dennocht des menschen suns fleysch essen / vñ sein blüt trincken. Das ist / jr müst an Jesum Christum glauben wolt jr anderst selig werden. Darumb red ich allhie nit das jr mich fleyschlich sollt zerbeyssen / vñ meyn blüt trincken / den also ist mein fleysch kein nutz. Es muß hie ein geistlicher verstand / vñ eyn geystlichs essen sein / Das ist jr müst an mich glauben / das ich von ewert wegen sey mensch worden / vñ fur euch den todt hab gelitten zu vergebung ewer sund / dises essen macht lebendig / der glaub bringt das leben / der geyst macht lebendig. Die wort die ich rede sind geyst vñ sind lebē / müso

seit anderst verstanden werden / daß jr sie fast ꝛc. Also redet Christus das ganz Capitel von geystlichen essen / das ist von glauben in in. Aber eyn anders thut er im nachtmal / da reycht er in sein leib im brot zu essen / vnd sein blüt im kelch zu trincken. Hie redt er vom glauben / dort nit / vñ sind diß vñ ihens Capitel nit eyns. Hie redt er nit vom Sacrament wie dort / darümb mans von eynander müß scheydē. Hie berayt Christus zu vor den weg den menschen / prediget von dem glaubē / dar nach erst vber lang setz er das nachtmal eyn. Wer on glauben ist soll nit zum Tisch Gots gehen. Darümb so mag sie diser spruch gar nichts helfen. Das fleysch ist kein nutz. Den das fleysch Jesu Christi in welchem Gott selbs leiblich vñ warhafftig hat gewonet. Colos. 2. ist vns vilfaltig nützlich / den durch diß fleysch sey wir mit Gott versünet worden. 2. Cor. 5. vnd erlöset von ewiger verdammüß. Dise frucht hat vns das fleysch / Das ist / die menschwerdung Jesu Christi gebracht. Das wir / die wir ferrhe waren von Christo / vñ der burgerschafft Israelis / vñ waren geste in den Testamenten der verheysung / da her wir kein hoffnung hetten / vñ waren on Gott in der welt / gestorben durch die sund von natur kinder des zorns. Ephe. 2. seynd Jesu Christi. Rom. 5. in der finsternuß vñ schattē des tods. Math. 4. sind nun durch das fleysch Jesu Christi von disen allen erlöset / jtz mit burger der heyligē / erben gots / vñ mit erben Christi / haußgenosen Gottes / gesetzt in das reych Christi. Ephe. 2. Colos. 1. Ist aber das nicht eyn wunderbarliche krafft des fleysch Christi / durch welches wir so grosse vnaußsprechliche güter haben entpfangene? Darümb so ist das fleysch Jesu Christi vns vilfaltig nützlich vñ fruchtbar / daß es ist für das leben der welt. Johā. 6. Wer dises fleysch nit für vns geben / so were wir in ewigen tod blyben / aber nun sey wir in das leben gebracht durch dises fleysch Christi / welchs für vns gescreuziget vñ getodt ist worden. Also hören wir das des fleysch Jesu Christi darin Got wonet nützlich ist von des glaubens wegen / den von vnser wegen ist Gott fleysch worden / vns zu selig machen. Johā. 3. Den er ist der samen in welchem gebenedeyet werden alle volcker. Gen. 22. Gala. 3. Für vns ist er gestorben /
Das wir das

das wir das leben hetten. Denn er ist das leben vnd die auffstehung / wer an in glaubt / ob er schon todt wer / so wirdt er leben / vn̄ eyn yglicher der do lebt / vnd an in glaubt / der wirt ewig nit sterben. Johā. 11. Durch den glauben ist vns Christus nützlich / on den glauben aber schedlich / ergerlich vn̄ verdamlich / wie er selbs bekent. Joh. 3. Wer an des menschen son glaubt / der wirt nit verdampft / wer aber nit gleubt / der ist schon verdampft. Also ist er den gottlosen / vnglaubigen gestelt zu einem felsen der ergernuß vn̄ anstossens. Esa. 8. 1. Petri. 2. Zu eynem fall. Luce. 2. Zu eynem geruch des tods. 2. Cor. 2. vn̄ zur ewigen verderbnuß. Aber den glaubigen zu eynem außewelten edeln eck steyn / vn̄ zu eynere auffstehung / zu eynem süßen geruch / vn̄ zur ewigen seligkeyt. Sich also ist vns Christus nützlich von des glaubens wegen. Also auch der Tauff / wäscht die sund ab von des glaubens wegen in das wort Christi. Math. 28. Johā. 3. Rom. 6. Gala. 3. Wer do gleubt vnd Taufft wird / der wird selig werden. Marci 16. Wo der glaub nit wer / so wer vnns der Tauff keyn nütz / Denn wasser ist wasser. Weil aber Gottes wort da bey steht / vnd der glauben am wort hangt / so muß vnns der Tauff fruchtbar sein. Eben also geht es mit dem Sacrament des leibs vn̄ bluts Christi / on den glauben ist vnns auch keyn nütz / der glaub machet vnns fruchtbar vn̄ heylsam / von des wegen spricht Paulus. Welcher vnwürdig von diesem brodt isset / oder von dem Kelch des Herrens trinckt / der ist schuldig an dem leib vn̄ blut des Herrens 1. Cor. 11. Der isset aber vn̄ trinckt vnwürdig / wer nit glaubt das Christus fur in gestorben sey / vn̄ welcher den leib Christi nit vn̄terscheydt / so er in fur eyn gemeyne speyß helt / vn̄ nit fur ein trefenliche / nemlich fur eyn speyß vn̄ tranck / welches in sein glauben zu stercken / sein gewyssen zu trösten / sein geystliche hunger zu ersettigē eyngeferzt sey. Dieses nachtmal muß man vn̄terscheyden von andern nachtmalern. Dan in andern isset man schlecht brodt / fleysch / fisch ze. vn̄ trinckt nün ein schlechten weyn / aber in diesem nachtmal des Herrens entpfacht man den waren leib vn̄ das blut Christi / darumb wer vnwürdig ist vnd trinckt / spricht Paulus / der ist vnd trinckt in selber die verdammuß / das er nit

vnterscheidet den leib des herns. Wer nun on glauben iſt/dem iſt das fleiſch keyn nütz/ wer on glauben trinckt/ der trinckt in das vteyl. Darumb wir gleich als wol ſagen. Der glauben müſſ es thun/ der glauben recht fertiget/der vnglaub verdampt. Der glaub iſt alleyn gnug zü der recht fertigung/ vñ was außerthalb des glaubens geſchicht/das iſt ſund. Rom. 14. Der glaub nimbt Gottes wort an/ thüt was Chriſtus beuolhen hat/ helle dar für das Chriſtus nichts gelert/ geheſſen vñ geboten hab/ den was ons nüzlich zü der ſeel ſeligkeyt ſey. Weil nun Chriſtus beuolhen hat/vñ den Tauff eyngesetzt/ſo laßt ſich eyn Chriſt Teuffen von wegen des worts vñd beuelchs Chriſti. Den eyn Chriſten weyß das Chriſtus die warheyt/vñd das wort ſelber iſt. Johā. 1. ſetzt nun ſein hoffnung vñ vertrauen nit in das wasser/ ſonder in das wort Chriſti. Also mit dem ſacrament des leibs vñ blüts Chriſti/ſtellt eyn Chriſt ſein vertrauē auff das Euangelion/als auff eyn ſtarcken felsen/ ſicht Chriſto in den mund vñd in ſein wort/verſicht ſich nit anders dan Chriſtus ſey die ewig warheyt vñ ſein wort ſey war/ ſo er ſpricht. Nembt hin vñ eſſendt. Das iſt mein leib der für euch brochen wirt. Das thüt in meynen gedechtnüß. Vñ zum Kelch. Nembt vñ trinckendt al darauß. Diß iſt der Kelch das New Testament in meynem blüt. Das thüt alls offte jr trinckt in meynen gedechtnüß. Math. 26. Luce. 22. Diß ſind ſtarcke treſſenliche wort/auff welche all Chriſtē jr hoffnung ſetzen. Der für euch geben wirt. Vñd das für euch vergoſſen wirt/ hierin leydt die krafft. Ja wen ſie eyn Paär auß dem Behemiſchen waldt het geredt/ ſo mocht man woll daüber diſputieren ob ſie war vñd recht weren. Aber weil ſie der lebendig ſon Gottes Jesus Chriſtus vnſer heylandt ſelbs geredt hat/ſoll man ſich darob nit zerreißen/ ſonder Gott die Ehre geben vñd mit rechter forcht Gottes glauben/das Gottes ſon warhaſtig ſey/vñ nit lieg. Wo vnglaub iſt vñ keyn Gottes forcht/ da zerreyßt man ſich groblich ob dem wort Chriſti/Laßt ſie nit bey der warē naturliche bedeutung bleyben/da müß Chriſtus zum lügner werden/oder im ſchlaff geredt haben/oder Parabolisch vñd Tropiſch. Wo aber glaub vñ Gotsforcht iſt/ da laßt man Gott

die Ehre / vñ bekent die sein wort die warheyt sey / vñ kein dunckeler finsterer wolck oder verborghner verstand in disen wortē des nachtmals Christi sey. Das ist meyn leib der fur euch gebē wirt. Das ist mein blūt das fur euch vergossen wirdt. Wir müssen die wort also lassen bleyben wie sie klingen / vñ nit nach vnserem gütdüncken fleyschlichen syn / vernunfft vñ klügheyt auß legen. Also hören wir das der spruch / Das fleysch ist keyn nütz / nicht auff jr meynung dienet / sonder wider sie ist. Dann sie verstands nun fleyschlich / vñ sind fleysch / on geyst gottes vñ glauben / wie ihene Juden. Der fleyschlich verstand wirt hie von Christo tadelte / dan er ist keyn nütz / er redt von eynem geystlichen essen / vñ dem glauben / vñ deutet sein wort selbs sprechend. Der geyst macht lebendig. Mein wort die ich red sind geyst vñ lebē. Das ist / ich will das jr dise wort von eynem geystlichen essen verstehet / vñ nit von eym leiblichen fleyschlichen essen / ich erforder den glauben von euch / der selbig bringt das leben / darauff geht das ganz Capitel / vñ ist keyn eynigs wort vom Sacrament des altars. Alle Gottlose vngleubig menschen sind nun fleysch / vñ ist in der gātz Christus kein nütz. Es sterb den der alt Adam in vns vñ werde eyn neuer mensch. Das ist / es hōre den der vnglaub auff im hertzen / vñ werd das hertz ernewart durch den geyst gottes vñ glaubē. So heyst es den nicht meh fleisch / sonder geysts. Dan der geyst vñ glaub zeucht den menschen in sein natur / das er auch geyst wirt / vñ sind nur alle Christen geystlich / von wegen des geyst gots der in irem hertzen lebt / vñ des glaubens. Roma. 8. Gal. 5. Also sehen wir das kein Christ das Sacrament im vnglauben entpfecht / sonder im glauben gehen wir hin zu / vñ essen in dem brodt den waren leib Christi fur vns geben. Vñ trincken in dem Kelch das war blūt Jesu Christi fur vns vergossen. Das fleysch glaubts nit / weyß nichts drumb / wirt zu narren darob / wirfft die wort hin vñ her / zwingts auff sein verstand meynung vñ gütdüncken / wil gott nit die Ehre geben der warheyt. Da muß Gott gesinnet sein wie es will / sacht an legt das klar wort Gottes betriibt auß / gebraucht seiner vernunfft darzu menschlicher weyß vñ spricht. Hymel vñ erden kunden Got nit.

Begreyffen. 3. Reg. 8. wie wolt er den in dem Brot wonen? Gott
laßt sich nit einsperren / wonet nit in den Tempeln die mit hende
den gemacht sind. Acto. 7. Sitzt oben im hymel zu der gerechte
ten Gottes von dannen er künstig ist zu richten lebendig vnd
todten. Wirt nit mehr leiblich in menschlicher gestalt zu vnns
kumen biß an jungsten tag. Sich also disputiert die vernunft /
die klug nerrin / zeucht darzu die geschrifft / zwingts vñ dringts /
wils wol aufrichten / alls auff sein meynung / Meynt sie wolle
all welt vber reden das sie jr zu fall / darumb das sie so vil torquis
erter geschrifft auff den ban bringt / vermeynt man solle die wes
chsene nasen nit sehen. Woll an wir wollen jr argument in eyn
sum fassen / vñ dar nach sie mit gründlicher warhaffter vngedog
ner geschrifft umbstossen / das yederman erkennen sol das sie die
geschrifft mißbraucht habē / vñ auff ein falsche verstand gezogen.

I Das fleysch Christi ist keyn nutz zu essen. Johan. 6. Derhalb
ben darff man nit achten das der leib Christi im Brot sey / vñ ob
er gleych darin wer / so ist doch kein nutz zu essen.

II Math. 24. spricht Christus. Es werden sich vil falscher pro
pheten erheben / vñ werden vil verführen. So sie zu euch sprechē.
Sihe hie ist Christus / oder da / so solt jrs nit glauben. Wen sie zu
euch sagen werdē. Sihe / Er ist in der wüstin / so gehet nicht hin
aus. Sihe er ist in der kamer / so gleubts nicht zc. Weil man nun
Christum an keynem ort suchen sol / so deßff man auch nit im Brot
vnd weyn suchen.

III Acto. 1. Als Christus gen hymel war auffgefaren / vñ die jüs
ger hinnach sahen / sihe da stunden zwē mēner neben jm vñ spras
chen. Jr Galileysche mēner / was stehet jr vñ sehet jnn den hym
mel? diser Jesus welcher von euch ist auffgenomen gen hymel /
der wirt kōmen / wie jr in gesehē hat gen hymel farē. So er nun
im hymel sitzt / vñ erst zum gericht wider kōmen werd in sichtbas
ter leiblicher gestalt / müg vñ kūd er nit im weyn vñ Brot sitzen.

Das sind die trefflichste argumēt des fleysch vñ der ver
nunft / die gebrauchen sie wider vnser Sacrament / vñ andere
mehr die wir wollen mit kurtzer geschrifft dar nider legen.

I Zum ersten. Das fleysch ist keyn nutz. Joh. 6. Diser spruch

gleych als wol als die andern treffend das hochwirdig Sacrament des leibs vñ blüts Christi gar nichts. Den Christus redet da selbs im ganzen Capitel kein wort von dem Sacrament des altars / sonder allein von dem geystlichē essen / das ist vom glauben / wie oben anzeygt ist. Vñ wer das fleysch Jesu Christi keyn nütz / so wer Christus nit fleysch worden / vñnd het sein heyliges fleysch vñd blüt seinen jungern im letzten nachtmal nit dargereycht zū essen vñ zū trincken. Math. 26. Ja dem Juda dem verretter war es kein nütz / wie es allen Gotlosen keyn nütz ist. Aber den andern jungern was es seer nütz. Den verstād dises Texts haben wir oben gnugsam anzeygt / Aber in sumā er daugt gar nichts auff jr meinung. Christus hat nichts vergebens gethon vñ gelert. Het er wollē das sein fleysch den Christen kein nütz wer / so were er vor hin doben im hymel gebliben / darzū so het er sein leib vñ blüt nit zū essen vñ zū trincken geben / vñ das beuolhen fort an zū thū in seiner gedechniß. Luce. 22. Das ist / das sie sein leib essen vñ blüt trincken / vñ aller entpfangner wolthat gedechten / sein namen vñ tod predigeten vor aller welt. Die apostel hetten das nachtmal des Herrens woll vnter wegen gelassen / wen es on nütz wer. Paulus het nit so vil dar vō gelert. 1. Cor. 10. vñ. 11. wens on frucht wer. Darumb ist jr Argument falsch / on grundt / wider die geschrifft / vñ einsetzung des Testaments Jesu Christi. Vñd ist vns das fleysch Christi von des worts vñ glaubens wegē / seer nützlich vñ fruchtbar / aber jr fleysch / vernunfft / Klügheyt vñ verstand ist keyn nütz. Also werdē sie vns eins nach dem andern weck zwacken / wen wir darzū still schwiigen / vñd wurd zū legt vns das Euangelion gar verzuक्त.

¶ Zum andern so dienet der Text Math. 24. auch nichts zū dem sacramēt. Den Christus redt da selbs nit von seinem fleysch vñ blüt wie in dem nachtmal / sonder von widerchristen / secten vñ falschen aposteln / die eygnen vñ besundern frembden Gots dienst wurden auffrichten wie der ganz Text außweyset / verbeut man soll in nit glauben vñ nachuolgen. Spricht / so sie werden sagen hie ist Christus oder dort so glaubents nit. Er hat vor gesehen den irthumb der erwachsen wurd / warnet dar vor. Dan

Christu an
tet vnd or
er bynden.

die falschen apostel binden Christum an stet vñ orter / an thum
vñ lassen. Wie biß hie her in dem Babstumb geschehen ist / da
wart Christus an stet vñ ort gebundē / an kuttē vñ kappen / clōs
ster / blatten / fasten / vñ desgleychens vil mehrs / die haben Chris
tus müssen sein / Das ist / mit disen vñ desgleychen werckē hat
man wollen gnug thun für die sund / vñ sich mit Gott versünen
das hymelreych verdienen. In die werck müssen wir vertrau
en / durch die werck wurden vnns die sund entlassen. Das heyst
Christo zill vñ maß steckē / vñ an stet vñ orter byndē. Dañ Chris
tus ist allein vnser versüner / entlast vñ vergibt vnns die sund /
vereynt vns mit Gott. Wen wirs aber durch walfart / blatten /
kappen / vischessen / vnd eynigerley werck wollen außrichten / so
stellen vñ bindē wir Christum an besunderē stet. Dañ alle orden /
Munch / Pfaffen vñ Nonnen stand / sind da hin gericht / das sie
seyen ein vollumnerer stand deñ der leyen / vñ vermeyne dar mit
vil zū erlangen vñ verdienen vmb Gott / sunst hielten sie nit so
starck ob iren orden vñ secten / da richten sie in eyn newen Chris
tum auff / vñ wollen Gott mit iren werckē bezalen / vñ binden
iren Christum / das ist ir heyl / seligkeit vñ hymelreych an stet vñ
ort / an clōster / gelubdt / rosenkrenz / an fasten / schreyen / vñ heüs
len vñ des mehr / wider die redt hie Christus vñ verbeut man soll
disen nit glauben / vñ sich nit verführen lassen. Wil das man keyn
nem glaub deñ der sein wort reyn vñ einfeltig füre / vñ keyn bes
sunderē frumbkeyt anricht / deñ was das Euangelion erfordere.
Also hat das Bābstisch reych Christum an stett / an kuttē / kapps
pen vñ blatten gebunden / an walfart / Rosenkrenz / Beichten /
Fasten / Kyrchen gehen / Opffern / Tempel stiftung / vñ deren
werck vnzālich vil wider das heylig Euangelion. Dañ an eynē
ort oder werck hat man mehr gnad vñ Aplasz außgeben vñ entz
pfangen deñ an eym andern. Vnd was Christo allein zū stehet /
das haben sie den erdichtē eygnen werckē zū gelegt. Wir aber
binden vnseren Christum Jesum an keyn Stat oder ort / weder
auff dem berg Garizim / wie die Heyden / noch in den Tempel
zū Hierusalem / wie die Juden / sonder sagen das man im geyst
vnd in der warheyt muß Gott anbeten / frey lassen wir in bleye

ben vnd zwingen in an keynen ort / wie ihene haben gethon /
vnd gleych wie auch die thun die in alleyn hinauff in den hymel
an die gerechten des vaters setzen vnd binden / das er da selbs
muß bleyben bis an jungsten tag. Sich wol reymbt sich jr meye-
nung / sie sprechen wir binden Gott an stet vñ orter / da irrendt
sie / Dan wir thünds nit / Sie aber binden Christum an ort vnd
stet / sprechē Christus sitz oben im hymel. Ja war ist es er sitz zur
gerechten des vaters / aber nit wie wir meynen / vnd fleyschlich
dar von redē / oder wie in die maler vñ bildschmitzer malen. Des
vaters gerechte / ist nichts anders dan Göttliche maiestat / glo-
ri / herlicheyt / macht vñ gewalt / in welcher Christus sitz / das ist /
er ist in gleycher macht / glori / herlicheyt / maiestat / mit seinem
hymelischen vater. Also hat Stephanus Jesum sehen stan zu
der gerechten der krafft Gottes. Acto. 7. Das ist / er erkant das
Christus warer Gott were / vnd gleycher macht mit seinem vas-
ter. Darumb so ist Christus Jesus der son Gottes an keyn ort gee-
bunden / sonder an allen orten / im hymel vnd auff erden mit sei-
ner macht / herlicheyt / potenz / wort vñ glori / wie der Prophet
spricht / Hymel vñ erden sind vol diener herlicheyt. Vnd wider
umb der heylig David. Wo soll ich hingehen fur deinem geyst
vnd wo soll ich hin fliehen fur deinem angesichte? Für ich gen
hymel / so bistu da. Bettet ich mir in der helle / sihe so bistu auch
da. Psalm. 138. Das ist an allen orten bistu gegenwertig durch
dein wort / macht vñ herlicheyt. Vnd im propheten Esaie am
66. Der hymel ist meyn stül / vnd das erdrich mein süß schemel.
Das ist mein macht vñ gegenwertigkeyt ist an allen enden. Vñ
Math. 28. Mir ist gewalt geben in hymel vñ auff erden. Dar-
umb wir Christum an keynem ort binden wie ihenige. Das wir
aber im brot des nachtmals essen den unsicht baren leib Christi /
vnd im kelch trincken das blüt Christi / heyst Christū mit an stet
bindē / dan im wort süchen wir in / das wort versichert vns durch
den heyligen geyst vñ glauben / von des worts wegen süchē wir
in / das wort bringet den leib vñ das blüt in das Sacramēt. Wo
Christus wort ist / da ist auch Christus selbs. Wir binden Christū
an keynen ort / wo aber sein wort ist vñ vns hinweyset / da süchē

Christum
zur gerech-
ten Gottes
sitzen.

wir in. Zie ist nur sein wort / Das ist mein leib der fur euch gegeben wirt / vñ diß ist mein blüt das fur euch vergossen wirt. Darumb so essen wir im Brot den unsichtbarn leib / vñ im weyn das unsichtbar blüt Christi / von des worts Christi wegen / Christus bindt selbs sein leib vnd blüt an das wort / vnd im wort stet die summa. Die Babstler habē keyn einigs wort von iren walfartē / orden / rosenkrentzen vñ der gleychē / an die sie Christum bindē / das ist in welchen sie vermeynen Aplass / verggebung der sund / vñ das hymelreych zū erlangē. Darumb diser text Christi in keinen weg wider vns ist / sonder wider sie vnd alle die on Gottes wort etwas anrichten zur seligkeit.

¶ Zum drittē thüend sie aber gewalt der geschufft / so sie den Text Acto. 1. süren Christus sey leiblich gen hymel gefaren vnd werd nit leiblich kumen / dan an dem jungsten gericht. Zie legē sie grossen freuel der heyligē geschufft an vñ Christo / sagen Christus kun nit zū gleych in eyner stund vñ zeyt / an mehr orten sein dan an eym / so er den im hymel zū der gerechten Gottes sitze / so kñd er nit leiblich im Brot vñ weyn des Sacraments sein / simul et semel quia nemo potest esse in diuersis locis etc. Niemāt kñd an vil orten sein auff eyn mal. Wen es eyn weltlichs menschlich ding wer / so müßt ich hie gnug lachē vñ spotten irer grossen torheit / aber weil es eyn Götlich ding ist / müße wirs mit ernst hādeln. Sich sie wollen Gott vns vergleychē / vñ seine gedancken den vnsern / das Gott ebē sey wie wir gesinnet. Zie müß den armen leuten Gott nit mehr Gott sein / nun weil er spricht Esate 55. Meyne gedancken sind nit wie ewre gedancken / vñ meyne weg sind nit wie ewre weg. Den alls hoch der hymel von der erden erhaben ist / also sind meine weg erhaben von ewren wegē / vñ meine gedancken von ewren gedancken. Ists nit spottlich das sie den ewigen Barmhertzigen waren Gott wollen vnseren verkerten weg vñ bösen gedancken vergleychē? Sie wollen mir in Christo die Gotheyt von der menscheyt absundern / das ist / sie wollē mir auß Christo nun eyn blößen menschen machē / Berauben in seiner gotheyt. Den eyn mēsch kan nit naturlich an mehr orten sein dan an eynē / also meynen die klügen Hansen / Christus sey eyn schlech

sey ein schlechter mensch / darumb sitze er allein im hymel wie der
richter auff seym stul / vnd kund nit bey vns auch herunden sein.
Aber wir sage das in diesem Christo auch die ganz fulle der Gott
heyt wone leiblich vn̄ warhafftiglich. Col. 2. 2. Cor. 5. das ist / das
vnsere Christus Jesus warer Gott vn̄ mensch sey (welches ich in
dem drittē Büchlein mit krefftigē argumenten bewert hab) vn̄
nit mehr eyn sterblichen / sonder ein clarificierten leib hab. Dan̄
er nit menschlicher weys̄ erstanden ist / sonder als eyn gewaltiger
Gott / durch krasst vn̄ macht seines hymelischen vatters in aller
herlichkeit / in solcher er herschet vn̄ regiert / vn̄ am end der welt
in gleycher herlicheyt wirt widerumb erscheynē / wie er auffgefa
ren ist / nit in eynē schwachē bresthastē tödtlichē leib / sonder alls
ein gewaltiger Gott vn̄ kōnig. Ist aber die weil nit vō vns wie
sie liegen / sonder bey vns durch sein krasst / macht / wort / glori vn̄
herlicheit / sunst misset er eyn lügner sein so er spricht. Ich wirt
bey euch sein bis zu end der welt. Math. 28. Also ist er durchs
wort im Sacrament bey vns vn̄sichtbarlich / wirt allein durch
den glauben ins wort gefasset. Den der glaub ist dero ding die
man nit sieht Heb. 11. was man sieht das ist kein glaub. Die weil
Gott das wort ist. Johā. 1. vn̄ er ist in allen seinē wercken die er
in / vn̄ durch vns wirckt. Wen wir das wort hörē vn̄ fassen durch
den glauben / so wiß wir gewiß das Gott bey vns ist. Geschichte
vn̄ widerfert vns gūtes / so ist got bey vns / eroffnet vns sein ges
genwertigkeit durch seine wollthat. Strafft vns Gott / so wisse
sen wir aber das er bey vns ist. Dan die straff erinnert vnns das
vns Gott hat heym gesūcht. In summa Gott ist allzeyt bey vnns
Christē vn̄ in vns. Wen er aber am jungstē tag erscheynē wirt / so
werdē wir in gleych vn̄ in sehen wie er ist. 1. Johā. 3. Derhalben
lieben widersacher wöllt jr Christē sein / so laßt vnsern Christum
Gott vn̄ menschen bleyben / scheyden vns die natur nit von eyn
ander in Christo / haltend in nit für ein blossen menschen / seyt jr
aber nit Christē / so hab ich nichts mit euch zu schaffen / vn̄ jr auch
nichts mit mir vn̄ Christo / so laßt vns das nachtmal bleybē / wie
es Christus hat eingesezt / vn̄ nemet jr ander geschafft für euch.
Laßt vns vnsern Christum rüwen / vn̄ sein wort stehn / geth sein

müßig das jr euch nit verbriet/vñ an dem scharpfen Schwert gottes wort verlegt vñnd schneydt. Den es sey euch lieb oder leyd so werden wir mit Gottes wort erhalten/ das in vnserem Sacrament sey der war leib vñ blüt Jesu Christi vnsichtbarlich/ so ferr wirs halten nach dem Euangelio vñ der einsezig Christi/nemlich das wir essen vñ trincken vñ den tod des Herrn verkünden/ Brüderliche lieb halten/Das wort Christi müß allzeyt mit gehn/ wo des selbs auffhört/da endet sich auch das nachtmal Christi/ wo neydvñ haß ein tritt/do geth Christus auß. Den gott ist die lieb/vñ wer in der lieb bleybt/der bleybt in Got/vñ Gott in im/spricht der hochfliegend adler Johānes. i. Joh. 4. Darümb sollen furnemlich in dem nachtmal des Herrns die drey stück getryben vñ geübt werdē/predig des tods Christi/glaub/vñ die lieb. Wo diser drey stück eyns felet/ da ist das nachtmal nit ganz. Den Christus prediget durch vñ durch von der liebe wie Johannes vom dreyzehenden Capitel an/biß auff das achtzehend schreibt/vñ Paulus heyst den tod des Herrns verkünden. i. Cor. ii. Außwelchē wir wol verstehn mügen/wie das nachtmal des herrns/vñ die Papistisch Mess so ferr vñ ein ander sind/das sie in keyn weg mügē vergleicht werdē/Dañ niemāt prediget den tod Christi bey der Bapstler mess/ ist auch kein stück der liebe/ dan wem dienet man dar mit hilfft weder Gott noch die welt/ ist ein rechter grewel. Des glaubens ist auch kein stück dar bey/ den weil die selbig Mess wider die heyligē geschriff ist/ so kan sit nit auß dem glaubē fließen. Den das fleußt auß dem glauben/was nach Gottes wort vñ beuelch geschicht. Ich laß die mess farē/dañ fast yederman wol weyß auß Gottes gnad/das die mess kein nütz ist vñ wider alle geschriff. Aber das etlich vil vnnutzer wort treybd wider vns von dem Bachnen Hergott/ wir fressen vnsern Gott zc. Wer wollt dise schmach verantwortē sie reden eben wie sie sind. Auß überfluß des hertzen redt der müdt/ spricht Christus Math. 12. Wer ein Gots forcht bey in/oder ein frumkeit in irem hertzen/sie geschwigen der wort woll/aber weil sie ein verkertter stinckender baum sind/ müssen sie auch verkert stinckendt faul frucht bringen/schender/goglesterer/vñ verkerrer des worts sind

Die Mess
ist wider
das nachtmal
Christi.

· sie. Wen es schmecken vñ löstereu gelt / so hetten sie die sach nur
wol auß gericht / darumb ich sie laß faren mit irem schenden vñ
goglöstereu. Keyn beck kan den leib Christi in das brot bachen.
Aber Gottes wort vermags / weil das wort da stet / so glaub ich
dem wort / vermag doch gott auß steynen Abrahā kunder machē.
Wir zerbeyssen auch den leib mit mit den zenē / essen aber in dem
brot des Sacramēts / den leib Christi von des worts Christi we-
gen. Das brot wirt gebrochen vnd zerbissen / der leib aber bleybt
ganz. Das wort bringet mir den leib in das brot / vnd das blüt in
den kelch vñ mit der Beck. Das faßt die vernunfft vñ das fleysch
nit / dan sie sicht nū auß das eusserlich vnd nit auß das wort / als
lein der glaub faßt es. Darumb wir auch im glaubē hin zū gehn
vñ entpfahē beyde leib vñ blüt / on den glauben thū wir nichts.
Darumb so richt die vernunfft nichts auß. Den der fleyschlich
mensch verstet nicht die ding die des geyst gottes sind. 1. Cor. 2.
ire argument stend auß dem sand / mügē Gots gericht mit leyde /
ob sie es schon hoch auß mützen / vñ vil klügheyt vnd vernunfft
menschlicher weysheyt gebrauchen / so müssen sie doch endtlich
zū schäden werden / vñ jr torheyt wirt offenbar werden vor aller
welt. 2. Pe. 2. Philip. 3. 2. Timo. 3. wie jzūd der Papiisten wesen
auch auffgedeckt ist / Gott geb sein gnad vñ geyst / das wir alle
bey dem reynen blossen einfeltigē wort Gottes bleybē. Dan gots
tes wort ist schlecht vñ einfeltig / pür vñ laüter / wie durch leüt-
tert sylber in erdenen tigel / bewerdet sibem mal. Psalm. 11. Was
kan aber Teutscher vñ laütterer gesagt werdē / den Das ist mein
leib / Das ist mein blüt. Vnd sie wollends mir verkeren vñ dunt-
ckele funstere wort dar auß machē / ob sie jr meynung mechten er-
halten / es wirt in aber felen. Christus redt vom brot in dem nas-
chtmal / als er sprach / Das ist mein leib der fur euch brochē wirt.
Weil mir nun das wort Christi da steht / so muß in vnseren Sac-
rament des nachtmals / der leib Christi sein / es sey in lieb oder
leyd / vñ solten sie zū bresten. Nun wol an wir wollen Paulū hie
auch hörē / ob doch der selbig etwas wolt außrichten / ich mein ye
er solts als wol verstandē habē als vnser widersacher. Sein geist
vñ verstand ist gewislich grosser gewesen dan jr vñ vnser / schreibt

Im Sa-
crament ist
der war-
leib vñ das
blüt Chri-
sti.

also zu den Corinthiern. Der kelch der benedeyung / welchen wir benedeyen / ist der nit die gemeinschaft des blüts Christi. Das brot das wir brechē / ist das nit die gemeynschafft des leibs Christi. 1. Cor. 10. Lassen wir die wort in jr naturliche rechte bedeutung bleybē / so habē wir zeugnüß gnug / das in dem Sacrament sey der leib vñ das blüt Christi. Dā er spricht. Der kelch der benedeyung / das ist der danck sagung / da bey wir Christen Gott dem Herrn danck sagē / das er seines eygen suns nit verschonet / sonder in fur vns in den todt gebē hat / vñ das er sein heiliges rosenfarb blüt fur vns hat vergossen / zu abwaschung vnser sund vñ missethat / Vmb welche gütthat wir in loben / ehre / vñ preysen / seinen todt predigen vñ verkundē / sein heyliges Testamēt betrachten. Darumb heyst Paulus disen kelch Calicem benedictionis / den kelch der benedeyung / das wir Gott durch Christum da bey benedeyen / loben vñ glorificieren / vñ mit danck sagung entpfahen. Was ist nun diser kelch der benedeyung oder danck sagung? Er ist die gemeinschaft des blüts Christi. Dises träck oder diser wein im kelch ist die gemeynschafft / eyn gemeyne distributz vñ außteylung / eben des blüts Christi das fur vns vergossen ist / vñ ebē in disem nachtmal das wir in der gemeyn mit einander halten / nach beuelch des Herrn Jesu Christi trincken / vñ teylen wir vnter vns das ware blüt Christi / zu eyner gedechtnuß seines bitteren leyden / vñ grosser vnaussprechlicher liebe / da mit vns Gott geliebet hat. In disem nachtmal wirt vns Christen gemeinlich außteylet das blüt Christi zu trincken. Hab ebē acht auff die sprach / Den alhie ist eyn Hebraismus. Calix benedictionis / der kelch der benedeyung. Id est calix benedictus vel consecratus / der gesegnet oder gebenedeyet kelch. Communicatio sanguinis / id est comunicatus siue distributus sanguis Christi / das außgeteylt blüt Christi. Ist ebē so vil gesagt / Der benedeyet kelch den wir benedeyen oder cōsecrieren / ist das außgeteylt blüt Christi / eyn gemeyne distributz / cōmunion / außteylung des blüts Christi / das wir vnter einander außteylē / vñ alle mit eyn ander entpfahen vñ trincken. Panis quē frāgimus / nōne participatio corporis Christi est? Das brodt das wir brechē / ist nit die gemeyn-

Schafft des leibs Christi Das Brot das wir brechē/merck Brechē
heyst gemeyniglich in der geschufft aufsteylen/stück machē/als
Esa. 58. spricht der Herr. Brich dem hūgerigen dein Brot/ Id est
teyls in mit. Vñ Acto. 2. Die glaubigē waren bestēdig in der ler
der Apostel/vñ in der gemeynschafft/vñ in Brot brechē/vñ in ge
bett. Das ist sie teylten den armē auch mit/gabē den hungerigē.
Vñ bald her nach Sie brachē das Brot hin vñ her in heusern. Das
ist/sie teylten in heusern den armē das Brot. Thren. 4. Die kleinē
begertē Brot/vñ niemāt war ders in brach. Id est gab vñ aufstey
let. Also auch hie Das Brot das wir brechē/vñ in stück teylen/vñ
ter eynander diuidieren vñ aufsteylen/ist die gemeynschafft des
leibs Christi/da wir vnter vns aufsteyle vñ distribuyren den leib
Christi zū essen/das yglīcher in seinē stück das in wirt/den leib
Christi entpfacht. Wir christē bezeugē auch mit diser cōmunion
das wir Christē sind/vñ eyngelēibt dem leib Christi/vñ der geyst
lich leib christi durch den glaubē/vō wegē eyns woits/eyns gots
eins glaubēs/vñ eyns sacramēts das wir hie gemeyniglich mit
eynander entpfahen. Dan wie auß vil kōrlein eyn Brot wirt/vñ
auß vil traubē vñ bōr der weyn/also spricht Paulus. Wir vil sind
eyn Brot vnd eyn leib/die weil wir eyns Brots teylhafftig sind.
Das ist/wir bekennē mit disem nachtmal vñ halten Brüderliche
lieb/das keyn zweyspaltig oder neyd vñ hass vnter vns sey/son
der freundschaft/dienstbarkeyt/lieb vñ trew. Darumb essen vñ
trincken wir gemeyniglich mit eynander den leib vnd das blüt
Christi in Brot vñ weyn/das ist das opffer für vns. Die Christen
kamē am anfang der kyrchē an eynen besunderē ort zūsamen/wie
wir izund auch thū in vnsern tempeln oder kyrchē/hültendē mit
eynander gemeyniglich das nachtmal Christi nach seiner eynse
zung/lobeten vñ predigeten den namē des Herrn/vñ verkund
ten den tod Christi/vñ die frucht seins leyde. Teylten mit einan
der dē kelch des herns/zur gedechtnuß der wolthat Christi/das
er sein rosenfarbs blüt für sie vergossen het/zū abwaschung irer
sund/also thū wir izund auch. Wir haben keyn auffsehūg auff das
Brod vñ weyn/sonder auff die wort des testamēts. Das ist mein
leib der für euch geben wirt. Das ist mein blüt das für euch vers

Was Brech
en heys.

Das nach
mal des
Herrns in
der ersten
Kirchen.

gossen wirt. Dise wort Christi bingē vns den leib Christi in das
Brot. An das wort Christi ist gebunden der leib vñ das blüt. Den
Gott ist das wort. Johā. 1. Wie Gott der Herr in dem altē testa
ment ist in dem gnadestül auff der laden gefessen / wie woles der
vernunfft vngleublich ist / vñ für ein torheyt wirt verlachtet / das
Gott da selbs solt wonē / den die hymel mit kunden begreyffen. 3.
Reg. 8. 2. Paral. 6. Dennoch ist er da selbs gewonet. Den also
stets in wort Ero. 25. Das wort bracht Gott da hin / vñ vō des
worts wegē / das Gott selbs geredt hat / wonet er allda warhaffe
tig. Gleych wie in dem Brot des Sacramēts / ist der leib Christi /
vñ in dem kelch / das blüt Christi Jesu / von des worts wegē / dar
umb das es Christus der Herr selbs geredt hat. Man muß auff
das wort Christi sehē / mit auff die laden / oder auff weyn vñ Brot /
den in wort stet die sumā. Das wort Gottes macht vns Got ge
genwürtig. Wie wol Christus der Herr sitzt zu der gerechten des
vatters / so ist er doch auch bey vns auff erdē von seines worts vñ
der verheysung wegen. Math. 28. Ich will bey euch sein bis zu
ende de welt. Gott ist in hymel / vñ erfüllt alles. Ephe. 4. vñ ist
an allen orten kressstiglich. Hiere. 23. Ich will aber nit das man
die gottheyt vñ menscheyt in Christo von einander scheyd / das
der leib oben in hymel sitz / vñ die Gottheyt anderstwo. Lieber
laß es bey eynander bleyben. Das Christus Gott vñ mensch sey /
vñ an allen orten mit seiner macht / glori / wort vñ herlicheyt sey
vñ regnier in hymel vñ auff erden. Psalm. 138. Esaie. 66. Hiere.
23. Also sprach Christus Johā. 3. Niemand feret gen hymel / den
der von hymel ernider kōmen ist / nemlich / des menschen son / der
in hymel ist. Dise wort redt Christus auff erden zu Nicodemo /
vñ spricht do zu gleych er sey in hymel / wie er des selben mal in
hymel war / also ist er izund herniden auff erd. Er herschet vber
hymel vñ auff erd / vñ erfüllt hymel vñ erden. Hiere. 23. Ist Gott
vñ mensch / hat vns nun sein gesicht entzogen vñ genomen / ist
nichts dester weniger bey vns vñ in vns vñ an allen orten / aber
vnsichtbarlich / also ist sein leib vñ blüt in Sacrament vnsichts
barlich / wan mans sehen kund so döfft mans nit glauben. Das
Brot sicht man vñ den weyn / aber wir glaubē das in dem selbigē

Gott ist an
allen orten
gegenwürtig.


Brot vñ weyn sey der war leib Christi fur vns crengiget / vñ das
blüt das er fur vns vergossen hat / vñ wegē der wort Christi. Das
ist mein leib zc. Das ist mein blüt zc. Vñ wie die Juden haben
vñ irem sundopffer gessen / also essen wir auch in dem nachtmal
des herns dē leib vñ blüt christi die fur vnser sund an dem creüs
auffgeopffert sind. 1. Cor. 10. vñ bezeugē mit disem essen vñ trin-
cken das wir in der gemeynschafft seyen fur die Christus gestor-
ben sey / fur vns vns ist er gestorbē / darüb er als der oberst Pries-
ter vns das opffer zu essen gebē hat / als er sprach Nembt / esset /
das ist mein leib der fur euch gebē wirt. Fur vns ist er gebē / dar-
ümb so essen wir sein leib vñ trincken sein blüt in seiner geden-
chtuß / das es fur vns ist geschēhē. Wie dick / lang / groß er aber
do sey im brot / laß ich die spitzfundige köpff außrichten / ich bes-
kümer mich nichts dar mit / laß mich an dem eynfeltigē wort be-
nügen. Das ist mein leib der fur euch brechen wirt zc. Es irret
mich auch die Thomistisch opinion gar nichts / noch Keyns spitz-
fundigen köpffs. Got geb vns seinen geyst der vns bring auff
einerley sinn vñ meynung nach dem wort des Euāgelij / das wir
mit das vnser süchen / sonder Gottes Ehre / das wir nit weytter
von vns halten / den sichs gepürt zū halten / vñ nit klüger seyen
dā sichs zymbt / wie Paulus Rom. 12. sagt. Oportet sapere ad so-
brietatem. Wir sollen verstēdig sein was des herns willen sey.
Vñ nit alles außgrunden was Gott nit beuolhē hat. Den gott
hat im etlich stück vorbehalten / die wir nit wissen sollē. Die sel-
ben wolle wir im lassen vñ gern nit wissen. Laßt vns aber das
lernen / das vns Christus beuolhen hat / vñ was die geschrifft mit
offentlichē außgedruckte wortē vns geleret hat / was vns nott
vñ nützlich ist zū wissen. Hie mit bitt ich alle prediger vñ Chri-
sten so ob dem Sacrament speltig sein / sie wollen bey dem eyn-
feltigen wort Christi bleiben / vñ ire vernunfft gefangen geben
vnter dē gehorsam Christi / das sie der Sathā nit mit mācherley
vñ frembden lere vmbfüre zū verderbung der gāgen christliche
gemein. Gottes guad sey mit vns allen. Amen.

Faint, illegible text, likely bleed-through from the reverse side of the page. The text is arranged in approximately 25 lines.



Fl 4367

(X227 0630)





Inches 1 2 3 4 5 6 7 8
Centimetres 1 2 3 4 5 6 7 8 9 10 11 12 13 14 15 16 17 18 19

B.I.G.

Farbkarte #13

Blue Cyan Green Yellow Red Magenta White 3/Color Black

...son dem
...schwirdigen
...ament des leibs vnd
...vnsers herrn Jesu
...ti/Wider die irrigen
...er/so vns das na/
...htmal des herrns
...zünichtigen.

...Andream Althamer.

1892/93 S. 161

UNIVERS. BIBLE
UNIVERS.
ALLE